



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana ,donijela je

PRIJEDLOG

ODLUKU

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, gospodinu **Slobodanu Blagojeviću**, kao priznanje za nesebično zalaganje i doprinos razvoju Kantona Sarajevo i države Bosne i Hercegovine u oblasti književnosti.

II

Ova odluka objavit će se u “Službenim novinama Kantona Sarajevo”.

Broj:

SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

14/16



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

**Odbor za javna priznanja
Kantona Sarajevo**

Broj:01-04-4176-5/25
Sarajevo, 03.04.2025.godina

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2025.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Gospodinu Slobodanu Blagojeviću, dodjeljuje se Plaketa Kantona Sarajevo kao priznanje za nesebično zalaganje i doprinos razvoju Kantona Sarajevo i države Bosne i Hercegovine u oblasti književnosti.

II

Ova odluka dostavlja se Skupštini Kantona Sarajevo na verifikaciju.



PREDSJEDAVAJUĆI ODBORA

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

Vibor Handžić

Odbor za javna priznanja Kantona Sarajevo

Predmet: Prijedlog kandidata za priznanje Plaketa Kantona Sarajevo.

Poštovani,

Odboru za javna priznanja Kantona Sarajevo za priznanje Plaketa Kantona Sarajevo predlažem **Slobodana Blagojevića**.

Obrazloženje:

Slobodan Blagojević je dopisni član Akademije nauka i umjetnosti BiH – Odjeljenje umjetnosti od 2018. godine.

Slobodan Blagojević, književnik, filozof, esejist, prevodilac, urednik i publicist rođen je 1951. godine u Sarajevu. Osnovno i srednje obrazovanje stekao u Sarajevu kao maturant sarajevske Prve gimnazije. Završio studij historije jugoslavenskih književnosti i srpskohrvatskog/ hrvatskosrpskog jezika na Filozofskom fakultetu Univerziteta u Sarajevu 1975. godine s diplomskim radom na temu književnog djela Rastka Petrovića. Studirao je filozofiju i sociologiju na istom fakultetu. U toku prvog semestra akademske 1984–1985. godine bio je predavač po pozivu na New York University, u New Yorku, SAD.

Tokom studija u Sarajevu, bio je urednik studentskog lista Naši dani od 1971. do 1973. godine. Urednik u uredništvu sarajevskog časopisa za književnu kritiku Izraz od 1976. do 1979. godine. Glavni urednik beogradskog časopisa za književnost Delo od 1987. do 1992. godine. Suosnivač intelektualnog udruženja Beogradski krug i aktivan član beogradskog Centra za antiratnu akciju u periodu od 1989. do 1992. godine. Suosnivač i urednik međunarodnog književnog časopisa na engleskom jeziku Erewhon, koji je izlazio u Amsterdamu, Nizozemska, od 1993. do 1995. godine.

Slobodan Blagojević je sa mnogim kolegama umjetnicima bio aktivan sudionik tribina protiv režima Slobodana Miloševića, zbog čega je 1992. godine napustio Beograd

Djelo

Poezija: U senci sa vitezom na mesečini, Sarajevo, Svjetlost, 1974; Méne, Sarajevo, Svjetlost, 1976; Prolaznost i uplitanje u nju (pod autorskim pseudonimom Anhel Antić), Sarajevo, Svjetlost, 1978; Proze, tlapnje, stance, Sarajevo, Veselin Masleša, 1980; Đavolja obrtnica (Anhel Antić), Beograd, Nolit, 1981; Iz umjetnosti pjesništva, Sarajevo, Veselin Masleša, 1983; Slika bojnog saveznika, Beograd, Nolit, 1985; Vidyā, Sarajevo, Zadrugar, 1988; Grci, Vršac, KOV, 1995; Pjesme, 1985-2007, Cetinje, OKF, 2008; Pjesme (Anhel Antić), Podgorica, CDNK, 2010; Posvemašnja narav (izabrane pjesme), Cetinje-Podgorica, OKF, 2017.

Proza: Pisma prestoničkom listu, Beograd, Nolit, 1992; Pisma prijestolničkom listu, Split, Feral Tribune, 2001; Mrka kapa, Split, Feral Tribune, 2001; Glagoljivo groblje, Cetinje, OKF, 2017. Drama: Arhajci, Beograd, Delo, 1990.

Esejistika: Poezija, mistika, povijest, Sarajevo, Svjetlost, 1985; Kratki uvod u vječnu polemiku, Zagreb, VBZ, 2009.

Prevodilaštvo: Konstantin Kavafi: Grad, Banjaluka, Glas, 1980; Konstantin Kavafi: Sabrane pjesme, Sarajevo, Svjetlost, 1988; Konstantin Kavafi: Sabrane pjesme, Sarajevo, Dani, 2004.

Priredene antologije: Antologija novijeg pjesništva u Bosni i Hercegovini, Čačak, Gradac, 1979; Antologija bosanskohercegovačke poezije dvadesetog stoljeća, Sarajevo, Lica, 1981; Američke poetike (ko-autor sa Dubravkom Đurić i Hamdijom Demirovićem), Beograd, Delo, 1989; Velika knjiga lirske poezije Bosne i Hercegovine, Crne Gore, Hrvatske i Srbije od IX. stoljeća do danas, Sarajevo-Zagreb, Synopsis (u štampi); Velika knjiga američke poezije od 17. stoljeća do danas (koautor sa Hamdijom Demirovićem), u pripremi.

Priredene monografije: Lirika nevretena/Ilija Jakovljević, Sarajevo, Zadrugar, 1982; Sabrane pjesme/ Atif Ljubović, Sarajevo, Zadrugar, 1984; Sabrane pjesme/Avdo Karabegović-Hasanbegov, Sarajevo, Zadrugar, 1985; Izabrane pjesme/Mihailo Miron, Sarajevo, Zadrugar, 1985.

Publicistika: Bloedverwanten: De Joegoslavische oorlog en de Europese vrede (ko-autor sa Hamdijom Demirovićem), Amsterdam, Van Oorschot, 1994; Tri čiste obične pameti, Beograd, B92, 1996.

Nagrade i priznanja: Nagrada izdavača Svjetlost za najbolju prvu knjigu pjesama, Sarajevo, 1974; Nagrada Trebinjskih večeri poezije, Trebinje, 1975; Nagrada Književne omladine BiH, Sarajevo, 1975; Nagrada Ivo Lola Ribar za poeziju, Zagreb, 1977; Nagrada izdavača Nolit za najbolju knjigu pjesama, Beograd, 1985; Nagrada izdavača Svjetlost za najbolju knjigu esejistike, Sarajevo, 1985; Šestoaprilska nagrada grada Sarajeva za značajne doprinose i ostvarene domete u poeziji, esejistici, umjetničkoj kritici i prevodilaštvu, Sarajevo, 1992.

Uz to, autor se tokom cijele karijere intenzivno bavio umjetničkom kritikom (književnom, likovnom i teatarskom), te objavljivao u svim vodećim medijima u bivšoj Jugoslaviji. Tome treba dodati znatan korpus polemičkih i društveno-političkih komentara i članaka, kao i autorov trajni angažman na odbrani općih humanističkih vrijednosti i nepokolebljivog protivljenja nasilju i ratnohušakačkim ideologijama iskazan u nebrojenim javnim nastupima i objavljenim tekstovima kod nas i širom Europe.

Slobodan Blagojević, vanserijski bosanskohercegovački intelektualac, pisac, filozof, prevoditelj i esejista ovih je dana promovirao životno djelo, „Velika knjiga lirske poezije Bosne i Hercegovine, Crne Gore, Hrvatske i Srbije“ (u tri toma) u izdanju „Buybooka“. Na najnovijoj knjizi, kapitalnom djelu poetske antologije, radio je punih pedeset godina. Počeo je, kako je rekao, nakon završetka Filozofskog fakulteta u Sarajevu 1974. godine od kada je svakodnevno po nekoliko sati provodio u biblioteci u Vijećnici tragajući za pjesničkim knjigama iz raznih povijesnih i književnih epoha

Član odbora za javna priznanja Kantona Sarajevo

Vibor Handžić